

Vaksdal kommune
Konsul Jebsensgate 16
5722 DALEKVAM



Saksbehandlar: Vigdis Robak Bjørge

Vår ref.: 2021/51300-1

Dykkar ref.:

Bergen, 14.10.2021

Årleg ruteendringsprosess 2022

Skyss viser til den faste årlege ruteendringsprosessen, der kommunane vert bedt om å komme med innspel til justeringar i rutetilbodet for buss, båt og ferje. Føremålet er å fange opp forbetringsbehov som grunnlag for å gjere naudsynte endringar og tilpasse tilbodet best mogleg innanfor dei rammene vi rår over.

Regionale møter

Vi vil invitere kommunar og regionråd til regionale møter – eitt for nordre delen av fylket og eitt for søre delen. Her vil det bli gitt høve til å løfte fram eigne og felles problemstillingar knytt til det lokale og regionale rutetilbodet. Møta er planlagt gjennomført i første halvdel av januar, med følgjande kommunefordeling som utgangspunkt:

- Kinn, Stad, Gloppen, Bremanger, Stryn, Sunnfjord, Askvoll, Fjaler, Hyllestad, Solund, Gulen, Austrheim, Fedje, Masfjorden, Høyanger, Sogndal, Luster, Årdal, Aurland, Lærdal og Vik
- Sveio, Stord, Bømlo, Austevoll, Fitjar, Tysnes, Etne, Kvinnherad, Ullensvang, Eidfjord, Ulvik, Voss, Kvam, Samnanger, Vaksdal, Modalen, Osterøy

Det kjem eigen invitasjon om tidspunkt, og nærare agenda og opplegg om kort tid. Møta vil etter planen bli gjennomført digitalt.

Til informasjon har Skyss også tilsvarande parallell dialog med kommunane i byvekstareområda; Alver, Askøy, Bergen, Bjørnafjorden og Øygarden.

**Skriftlege innspel frå kommunane**

Konkrete innspel om ruteendringar ber vi om å få tilsendt skriftleg. Det kan til dømes gjelde forslag til justering av rutetider for betre korrespondansar eller betre tilpassing av tilbodet til lokale aktivitetar eller bestemte målgrupper. Eventuelle endringar vil i hovudsak setjast i verk i samband med haustrutene i 2022, men det kan og i enkelte tilfelle vere aktuelt å gjere justeringar før dette.

I tråd med fjorårets praksis legg vi opp til at kommunane koordinerer innspel frå ulike interessentar og interessegrupper i eigen kommune, slik at ein i vidare planlegging i størst mogleg grad har ei samla prioritering om ønskja tiltak frå kvar einskild kommune.

Frist for skriftlege innspel er 31. januar 2022.

Kontaktpunkt i Skyss: Oda Totland Bongom, e-post Oda.Totland.Bongom@Skyss.no

Vi ser fram til vidare dialog,

Med venleg helsing,

Målfrid Vik Sønstabø
direktør Skyss

Vigdis Bjørgo
seniorrådgjevar

Brevet er elektronisk godkjent og har difor inga handskriven underskrift

Kopi til:

Alver kommune	Postboks 4
Askøy kommune	Klampavikvegen 1
Bergen kommune	Postboks 7700
Bjørnafjorden kommune	Postboks 24
Øygarden kommune	Ternholmvegen 2